

Møtereferat

Dato: 15.05.2015

Emne:	Referat frå møte med organisasjonane 13.05.2015 vedkomande Lokale forhandlingar 2015	
Til stades:	Arbeidstakarorganisasjonane, personaldirektør Geir Davidsen, seniorrådgivar Karstein Oen, forhandlingssjef Johan J. Meyer, Leiar Servicesenter løn May Einarsen, rådgiver Linn Bødtker	
Forfall:	Charlotte Espeland, Forskerforbundet, Sølve Sondbø, Naturviterne/koordinator Akademikerne, Vibeke Lokøy, Tekna, Dagfinn Brekke, Norsk Psykologforening, Rolf Solheim, Econa, Sigrid Bjercke, AFAG	Sak: 2015/5085-1
Møtetid:	Kl. 14.15 – 15.00	Møtestad: møterom Sunnhordland

Møteleiar: Geir Davidsen. personaldirektør

Referent: Karstein Oen, seniorrådgivar

Tema: Lokale lønsforhandlingar 2015, kap. 3 og kap. 5.2. Iverksetting av oppgjerset kap. 4

Personaldirektør Geir Davidsen orienterte. Den økonomiske ramma for oppgjerset i kap. 4 i år er på 3,2 %. Følgjande element inngår i ramma;

Overheng	1,90 %
Anslag lønsglidning	0,20 %
Sentrals tillegg pr. 1.5	0,96 %
<u>20 års garantien</u>	<u>0,15 %</u>
Årlønnsvekst 2014 -2015	3,20 %

Dei reelle tillegga i kap. 4 (0,96 % og 0,15 %) utgjer **1,67 %** omrekna til datotillegg pr. 1.mai 2015.

Årlønnsvekstramma som er framforhandla for kap. 4 i tariffperioden er eit nyttig utgangspunkt for utrekning av økonomisk ramme for kap. 5.2 og kap. 3.4.

Tall frå Det Tekniske Bereknings- og Statistikkutvalet (TBSK) viser at det har vore ein betre lønnsvekst i kap. 3 og 5 enn kap. 4 dei seinare åra. På bakgrunn av dette har partane sentralt vedteke følgjande tariffpolitisk føresetnad:

«Partene forutsetter at de lokale parter gjennomfører lokale forhandlinger i henhold til HTA kap. 3.4 og 5.2 innenfor en økonomisk ramme som tar hensyn til kommuneøkonomien, kommunen/fylkeskommunen/bedriftens totale situasjon samt resultatene i KS-området og andre sammenlignbare tariffområder. Partene legger til grunn at det over tid må være en balanse i lønnsveksten mellom de ulike lønnskapitlene i HTA.»

Personaldirektøren la fram tal over faktisk overheng i HFK for 2015

Overheng kap. 5.2: 1.68 %

Overheng kap. 3: 1,90 %

Noko av forklaringa på det relativt store overhenget i kap. 3 har m.a. samanheng med streiken i 2014 som medførte eit seinare verknadstidspunkt (1.9) for leiarar organisert i Utdanningsforbundet, Lektorlaget, SL og MFO. I tillegg var lønstillegga noko over ramma for kap. 3.4.2 (4,37 % for kap. 3.4.2 mot 4,25 % i kap. 5.2).

Ramme kap. 5.2

Legg ein til grunn ein årlønsvekst på 3,2 % og gjer fråtrekk for faktisk overheng og anslag lønsglidning (0,2 %) vil vi få eit datotillegg pr. 1.5.2015 på **1,98 %** ($3.2\% - 1,68\% - 0,2\% \times 12/8$).

Ramme kap. 3.4

Legg ein til grunn ein årlønsvekst på 3,2 % og gjer fråtrekk for faktisk overheng og anslag lønsglidning (0,2 %) vil vi få eit datotillegg pr. 1.5.2015 på **1,65 %** ($3.2\% - 1,90\% - 0,2\% \times 12/8$).

Personaldirektøren sa at han vil gå til fylkesrådmannen og be om ei økonomisk ramme/datotillegg på 2 % pr. 1.5.2015 for kap. 3 og kap. 5. Ein føresetnad for ei slik ramme er at organisasjonane går med på at tillegget vert gitt som eit flatt tillegg. Ein slepp då heile prosessen med forhandlingar osv. Og tillegget kan kanskje bli utbetalt allereie i juni.

Dersom organisasjonane ikkje ønskjer dette vil personaldirektøren forhandle innanfor tilnærma faktisk ramme for dei to kapitla (1,98 % i kap. 5 og 1,65 % i kap. 3). Det vil då bli lagt ut 1 % i førstetilbod og resten på reelle forhandlingar.

Det vert sett av to dagar til forhandlingar; 8. og 9. juni 2015.

Organisasjonane har frist til **Onsdag 20. mai** med å mælda tilbake til personaldirektøren om kva løysing dei føretrekkjer vedkomande lønsoppgjøret 2015 for kap. 3 og kap. 5.

Kap. 4

Ved hovudoppgjøret i 2014 vart partane sentralt – KS og hovudsamanslutningane – einige om sentrale lønstillegg gjeldande frå 1.5.2015 for arbeidstakrarar som er løna etter hovudtariffavtalen kap. 4. Det vart teke atterhald om justering pr. 1.5.2015 dersom den økonomiske situasjonen tilsa det. Partane vart den 30. april 2015 einige om at det ikkje vert gitt nye lønstillegg ut over det som partane forhandla fram i fjar. Dei sentrale tillegga går fram av tabellen nedanfor.

Sentrale lønnstillegg pr. 1.5.2015

Stillingsgruppe	0 år	2 år	4 år	6 år	8 år	10 år
Stillinger utan særskilt krav om utdanning	1 000,-	6 500,-	4 200,-	7 200,-	300,-	500,-
Fagarbeiderstillinger / tilsvarende fagarbeiderstillinger	2 700,-	9 100,-	10 000,-	13 500,-	16 000,-	6 800,-
Stillinger med krav om høyskole-utdanning	3 000,-	10 400,-	9 400,-	13 100,-	16 100,-	6 900,-
Stillinger med krav om høyskole-utdanning med ytterligere spesialutdanning	2 500,-	10 300,-	9 600,-	13 900,-	16 300,-	12 400,-
Stillinger med krav om mastergrad	4 500,-	12 900,-	6 800,-	15 200,-	8 400,-	8 700,-
Stillingsgruppe	0 år	2 år	4 år	6 år	8 år	10 år
Lærer	4 000,-	11 500,-	6 500,-	11 500,-	9 400,-	8 100,-
Adjunkt	5 000,-	13 400,-	7 500,-	13 100,-	10 200,-	10 000,-
Adjunkt (m/ tilleggsutd.)	5 700,-	14 700,-	8 700,-	12 800,-	9 400,-	10 700,-
Lektor	6 200,-	15 600,-	11 400,-	16 100,-	13 600,-	10 400,-
Lektor (m/ tilleggsutd.)	6 500,-	16 200,-	9 600,-	14 200,-	8 400,-	10 700,-

Det vises til HTA vedlegg 1 for oversikt over stillingskoder og stillingsgrupper.

Som det går fram av tabellen er retninga på oppgjeret denne gongen at det er gitt meir til dei som ikkje har full lønsansiennitet. Vidare er ansiennitetsstigen endra frå 0-4-8-10/16 år til 0-2-4-6-8-10/16 år. Resultatet kap. 4 skal til godkjenning hos alle partar. Frist 1.juni. KS har uttala at kommunane bør vente med iverksetjing av oppgjeret i kap. 4 til godkjenning ligg føre. I fall det vert sett i verk før må ein ta etterhald.

Saka vart drøfta. Organisasjonane er einig med personaldirektøren i at HFK iverkset oppgjeret i kap. 4 med utbetaling på juniløna. Organisasjonane er og positive til at HFK utbetaler tillegg til st. kode 795400 Fagleiar og 795401 Elevinspektør som i utgangspunktet ikke er gitt noko tillegg sentralt pr. 1.5.2015. Det same gjeld for st. kode 7003 Arbeidsleiar. Denne følgjer ansiennitetsstigen og dei opprykk som er gitt der. Stigen for IKT-konsulenter vert justert med 2 % pr. 1.5.2015.